

樞

垣

記

略

樞垣記略卷之二十二

詩文三

王承文二首

軍機處題名記

軍機處蓋古者知制誥之職其制無公署大小無專官直
廬始設於 乾清門外西偏繼遷於門內與 南書房鄰
復於 隆宗門西供夜直者食宿其大臣惟尙書侍郎被
寵眷尤異者始得入然必重以宰輔其屬例用內閣中書
舍人舍人改庶吉士則不復入改六曹御史給事中遞遷

卿寺至都察院副都御史內閣學士入直如故惟擢侍郎亦不復入間有以貲以廢爲郎得預者率大臣子弟爲然而張公若靄鄂公容安又以庶子侍講入直蔣公炳程公燾又以巡撫罷還京入直皆奉

特旨行非故事也先是雍正七年青海軍事興始設軍機房領以親王大臣予銀印印藏內奏事太監處有事請而用之後六年

上卽位改名總理處乾隆三年王大臣請罷之

詔復名軍機處時大學士爲鄂公爾泰張公廷玉徐公本

蔣公廷錫尙書爲海公望每被

旨各歸舍繕擬明日授所屬進之後大臣避專擅名乃令所屬具草視定進 呈自是擇所屬益精慎至大位者益衆而

上賞賜亦異於庶僚紗緞餅餌果蔬時

賜歲暮

賜鹿肉諸物率以爲常以至

上所游幸無不從其職掌在恭擬

上諭及內外臣工所奏有

旨敕議者各審其可否以聞又外臣章奏各書爲副以藏之蓋 本朝

諭旨誥命其別有四凡批內外臣工題本常事謂之旨頒將軍總督巡撫學政提督總兵官權稅使謂之敕皆由內閣撰擬以進凡南北郊時享祝版及祭告山川與大臣死事者祭葬之文與夫后妃宗室王公封冊皆由翰林院撰擬以進然惟軍機處恭擬

上諭爲至要

上諭亦有二巡幸上陵經筵蠲賑及內臣自侍郎以上外

臣自總兵知府以上黜陟調補暨曉諭中外謂之明發誥
誠臣工指授方略查核政事責問刑罰之不當者謂之寄
信明發交內閣以次交於部科寄信密封交兵部用馬遞
或三百里或四五百或至八百里以行其內外臣工所
奏事經軍機大臣定議取

旨密封遞送亦如之內而六部卿寺暨九門提督內務府
太監之敬事房外而十五省東北至奉天吉林黑龍江將
軍所屬西南至伊犁葉爾羌將軍辦事大臣所屬迄於四
裔諸屬國有事無不綜彙且內閣翰林院撰擬有弗當又

下軍機處審定故所任最爲嚴密繁鉅昶以乾隆庚辰由中書舍人入直蓋八年於此矣中間平定準噶爾回部西北數十年之患一朝剷削殆盡仰見

聖天子武功旁魄超越萬古而時又開方略國史三通諸館昶皆爲斟酌條例用副

右文稽古之至意下至梵筴釋典隸於經咒館有所繙譯輒往討論故雖職事至繁竊以躬逢美盛爲大幸軍機處設立垂四十年尙無記前人姓氏多忘軼不可考乃詢於大宗伯張公泰開給事中明公善並以所聞於先輩者次

第書之稱職與否可指數也詞詳而不殺者俾後世得以考見故實且著遭際太平之榮遇云爾

謹按此王蘭泉司寇軍機處題名記作於乾隆三十二年現編春融堂集中而題名迄未得見遍訪諸先輩亦無有能述之者或爲之而未成或已成而佚之俱不可知記中敘樞垣梗概畧具而現行事例未能盡詳章鉅旣爲廣搜博訪補輯題名三卷兼取數年來所聞所見所行之實就其大者輯爲規制二卷竊謂各部院案牘類皆書吏經手司員寓目而已惟樞廷義取慎密有官

而無吏除每日發抄之摺交方略館供事繕寫外凡收發文移登記檔案及奉

寄旨並

飭封存之件皆章京親自料簡其章程名目傳自先輩雖以各部院能事之員新入其中有不能驟解者今並爲分晰附著於此以備故實焉每日奏摺必於寅卯二時發下軍機章京分送各軍機大臣互相繙閱謂之接摺凡奉

殊批另有旨卽有旨及未奉

硃批者皆另貯黃匣交軍機大臣捧入請

旨謂之見面直日章京將本日所接奏摺所遞片單所奉諭旨詳悉分載

硃批敬謹全載

諭旨及摺片則摘敘事由有應發內閣者皆注明交字應發兵部者皆注明馬遞及里數釘成鉅冊以春夏二季爲一本秋冬二季爲一本謂之隨手凡繕寫明發

諭旨及各片單用六行格子繕寫寄信傳諭用五行格子每行皆二十字謂之現遞其有字數過長急須繕遞則

令一人於草稿中截定行款分紙速寫謂之點扣分寫
畢仍糊而聯之謂之接扣交達拉密覆校後貯於黃匣
送軍機大臣恭閱無訛始付內監遞進謂之述

旨經

硃筆改定者謂之過硃若有先期豫擬

諭旨繕寫後封存於匣以備屆期呈遞者謂之伏地扣其
恭遇

巡幸於首站呈遞者謂之下馬遞凡隨摺

諭旨交內閣漢票簽其不因奏請而特降者交內閣滿票

簽寄信傳諭由馬遞者交兵部有交各部院速議速辦者卽專交各該部院皆使領者註明畫押於簿中謂之交發凡抄摺皆以方略館供事若係密行陳奏及用寄信傳諭之原摺或有

硃批應慎密者皆章京自抄各摺抄畢各章京執正副二本互相讀校卽於副摺面註明某人所奏某事及月日交不交字樣謂之開面直日章京將本日所接各直省原摺各歸原函繳入內奏事處謂之交摺凡本日所奉諭旨及所遞片單鈔釘成冊按日遞添按月一換謂之清

檔凡發交之摺片由內閣等處交還及彙存本處者每日爲一束每半月爲一包謂之月摺以上皆按日常行之事謂之班務均責成直日章京檢覈無訛始將現年隨手現季清檔月摺及各種存貯要件收入櫃中直日者親手題封謂之封櫃過是則以次散直若散直後有驛遞奏摺續到隨時

召見軍機大臣者各章京亦卽咸集祇候其未奉

召見軍機大臣毋庸進 內者則直日章京將所到摺件

開明省分及拜發日日封稟各軍機大臣凡在城時各

章京兩班間日輪直每班直日各二人分班輪算周而復始直日卽兼直夜於直務畢後退食於方略館至次日寅時首先入內俟次班到齊會同接摺後始行交班謂之該夜班若在圓明園則每四日爲一班謂之該園班每班直日亦二人分班輪算與在城同直務畢則聚居於外直廬所謂七峯別墅者也凡直日者爲本班不直日者爲幫班凡園班於第四日散直後不直日者聽其陸續入城惟達拉密與本班必留宿以俟次日交班謂之不截尾凡園班恭值

上進宮在每班之第五日則帶直一日爲五日班若在每
班之第六日則仍於第五日換班凡扈從 行在兩班
章京輪流出派以本年秋圍合次年春圍爲一班凡扈
從之前扈回之後例得輟直或數日或數十日皆視道
里之遠近爲輟直之久暫令不扈從之班連日趨直謂
之圖塔密凡扈次遇

駐蹕日期謂之音德密皆於隨手簿中註明凡恭遇
南郊大祀

上於先一日莅

壇者軍機大臣入直於

西天門外直廬章京各帶短几坐褥列坐帳房中略如扈從之儀謂之壇班凡壇班皆兩班相間輪直不在常直之數若適直應到之班則謂之壇班遇本班各章京皆蟒袍補服策馬而來

送馮郎中從軍赴滇序

雲南總督楊應琚嗜功肇釁弗能馭將帥於是緬甸跳跟蠢動入盞達掠隴川攻圍猛卯諸土司境

聖天子軫念荒服赫然以怒

詔明瑞以將軍攝總督事帥師進討將啟行謀擇僚佐大學士傅公既令河南開歸道穆諾親陝西興漢道錢受穀先乘遽赴永昌且擇於軍機房之屬奏以戶部郎中馮光熊及傅顯偕行余惟古來幕府之職多矣惟裴晉公征淮西以馬總爲行軍司馬以韓愈李正封爲從事所辟皆一時賢才號爲極盛然吳元濟以豎童阻命近在淮西去京師千里而近四境皆唐土地督各節度使合攻之此猶狐豚腐鼠雖微李愬元濟不日可縛故晉公之奏功也易而馬總韓愈輩相得而益彰今緬會所居在徼外三四千里

負西南大海阻以林巒劃以炎瘴昔元兵至強悍也所過無不剗滅三伐緬僅責其貢賦以還蓋用力於無可用之區是以其難如此惟明公以勇兼仁智又得馮君輩倜儻有計略人助之以殺敵爲果以止戈爲武知其難以圖其易則決策也必有節而奏膚功也必速予辱與三君子游喜其志同道合知燕喜而飲至也亦必不遠矣於其行因書以贈之

錢禮文一首

奏請

敕軍機大臣進止仍循舊章摺子

臣伏覩我朝設立軍機處向來大臣與其職者皆萃止其中用以集思廣益仰贊

高深地一則勢無所分居同則情可共見卽如司員咨事畫稿亦得有定所而無殊歧誠盡善不易之法也乃觀近日惟大學士阿桂一人每日止軍機處大學士和珅或入止於內右門內舊許大臣暫止之廬或卽止於隆宗門外近造辦處之廬大學士王杰則入止於南書房尙書董誥同之尙書福長安則止於造辦處每日惟

召見時聯行而入退則各還所處雖亦有時暫至軍機處而事過輒起一切咨事畫稿司員未免趨步兩歧以我

皇上乾行之健離照之明大小臣工戴德懷刑決不至因此啟角立朋黨之漸然行之萬世無弊實莫過於率由舊章况 內右門之內相近 禁寢向來因有 養心殿帶領引

見之事須先一刻預備

恩加大臣不令與各官露立是以設廬許得暫止不應於未辨色之先一大臣入止而隨從軍機司員亦更入更出

爲日既久不能不與內監等狎熟萬一有無知如高雲從者雖立正刑辟而所絀已多杜漸自宜及早至 南書房以備

幾暇顧問俟軍機事件既畢入未爲遲若 隆宗門外直廬及造辦處則各色應差皆得覘聽於外大臣於內辦事亦屬未便請

敕諸大臣仍照舊規同止軍機處庶匪懈之忱各申五夜協恭之誼共勵一堂其 圓明園辦事亦同一體近日和珅福長安止於 如意門外南順牆東向之廬王杰董誥

止於南書房之處並請

敕禁止謹奏

管世銘文二首

鶴半巢詩集序

國家初制章疏票擬主之內閣軍國機要主之議政處其
特頒

詔旨由南書房翰林院視草自雍正初年設軍機處領
以親重大臣復選庶官之敏慎者爲滿漢章京襄其事機
要章奏皆下焉

詔旨有明發有密寄由大臣而奉指揮具稿以進自是內閣票擬特尋常吏事而政本悉出機庭兼議政視草而一之其初節目寬簡甲日撰稿許乙丙而進御一二大臣實自主之在直章京特分司繕寫登記檢查交發之事前此隸斯職者如趙璞函文哲王蘭泉和趙雲崧翼申笏山甫並得於政事之暇從容賦詠藻耀一時近者

聖天子文德武功光昭式廓理大物博恐易卽於恬嬉用益勵精圖治未辨色輒問兵部驛報及四方賚奏有卽取以入或不待進膳

批閱已竟隨

召大臣

諭意出則分令諸章京撰草人各一通或數人共成一通送大臣詳酌未竟中使已絡繹輩催篇幅較長者必三四人分行繕正僅而竣事又繕畢未進並進後復有

諭改日或至於再三其他奉

命稽牒檢案加簽貼說及與各衙門聯事如詳議條奏讞訊疑獄查至紛投刻期待報率以日晡爲常或繼燭留門而後出其派出專辦非信宿所能得當者雖例許番休之

日亦襆被在公不敢歸私寓問家事焉其中豪傑非常之士久於其地未嘗不資以開廣見聞練習吏事因而入與鈞衡出膺節鉞獨於風雅之道寂焉無聞蓋緣意不並銳卽素擅慧業靈光亦委靡疲茶消歸烏有就使結習已深未忍便廢而當衆舉其職獨應對蹇滯孺寫窘率少年英果羣以鈍漢目之其人亦旋自悔忸不復措意猝遇牽率酬應亦如塵絃澀指彈不成聲豈人才不如昔哉由積漸使之然也同年馮玉圃給諫直機庭者二十餘年每分撰詔草退然未嘗與人爭先及遇詞頭填委亦卽引紙不讓

灑灑數百言曲中事情而通達政體同列推服當軸者或不能加點屬稿既畢仍偕衆人治雜事又充方畧館提調兼總纂凡經進之書獨自刊削校正並若無其事者然余固已心服其有過人之量矣其爲諸生時已耳其詩名迫同年同直請之輒辭以輟業蓋以所處旣非言詩之地所值又未必皆可與言詩之人慎重而不輕出也久之始示以鶴半巢詩一編爲近年並直機庭所著受而讀之則攄情感事俯仰古今皆穆如清風之音溫柔敦厚之旨舉山林臺閣之習而一空之又烏自知爲身處承明與聞機要

哉余既歸其集不能自己附綴數言以贈之並略誌機庭之緣起與前後職役機會繁簡寬迫之不同俾後之讀是集而論其世者有所考其似余之不竟所學固藉是以解嘲而玉圍之雅量汪汪不可清濁亦即見其所得於詩者獨深匪僅余之鈍漢汗流僵走不可追攀即曩時王趙諸君子從容諷詠以適其事者亦或未能易地而爲之也

答友人書

來書言鄉人中多有譏僕簡傲者僕與人交親疎在心不在迹蓋吾鄉之官於京師者率十數人爾往時僕爲中書

舍人多暇數日輒過其舍非有所親也今或一二月一見三四月一見亦非心有所疎也內直之班

上在宮則日入直在 圓明園則八日中往直四日有奇比歸之三日入刑部署者二日入方略館者一日過是則又須應 圓明園之直其有造吾門而見十不得一二且閱數日乃得往報以是騰衆人之議然公事使然謂僕居要地恃勢簡傲者蓋不足與辯曲禮言不妄說人孔子謂君子易事而難說如以徵逐爲說人之具僕年四十餘矣方欲仿古人所行招之不來麾之不去何肯酒食徵逐以

木七言明
卷二十一
一
二
希衆人之意乎

方維甸文一首

陳謝

恩召入直軍機摺子

竊臣維甸謹將奉到

諭旨詳細述告臣母恭聆

恩命驚喜感泣令臣扶掖叩頭並諭以

天恩高厚汝當勉力報效不可因我衰老以私廢公等語

竊臣受

恩至重未效涓埃前歲赴任閩中因老母不能迎養去秋
在熱河仰蒙

垂問瀝奏微忱凡臣不能遠達之私衷先荷

聖明俯鑒

特頒回籍養親之

旨俾遂門閭倚望之情感戴

生成恩同覆載今春自浙回籍母子朝夕相依臣母日誦
佛號頂戴

聖慈衰親服食得安皆出

主恩所賜茲因軍機漢大臣需人

特召微臣俾參樞務渥荷

溫綸之褒獎備叨溢分之殊榮並蒙

睿慮周詳訓詞諄切念臣母衰年遠涉

敕沿途照料其起居恐臣母戀子難離並

巡幸以免其扈從凡此

優容之異數實臣子罕邁之遭逢自顧何人得邀

體恤入微至於此極縱使捐糜頂踵亦不足稍報

鴻施惟察看臣母身體去歲腹疾雖已痊愈而精神恍惚

之症每日卯後午前總有數次陽衰氣怯迥非數月前可比聞臣片刻出門亦必百端疑慮前因臣入山祭掃稟明往返兩日臣母亦以爲應往迨至次早已忘前語轉疑臣患病不起失聲悲慟終日未嘗進食迨臣趕回見而始得釋然自此以後跬步不敢他出清晨初覺時卽須見臣侍側否則疑慮生悲勸慰不解臣私揣臣母似難力疾遠行然身受非常

恩渥又不敢陳情固請戰慄兢惶五中迷瞶不知所爲伏讀

恩諭准令將臣母身體情形據實具奏是以不揣冒昧聲
敘瑣屑實情瀆陳

天聽臣不勝悚懼待命之至

樞垣記略卷之二十二

樞垣記略卷之二十三

詩文四

恭親王詩二十九首

恭和

御製御門聽政示在廷諸臣元韻

親臨黼展訓諸卿濟濟駕行

聖世盈法守

舊章嚴宥密率由大典矢欽明琳琅

玉藻頒臣下宵旰

宸懷念庶氓職事願偕寮案勉承

恩弼直抒愚誠

恭和

御製闡福瞻禮至浴蘭軒理政作元韻

瞻禮

皇儀肅青蓮見佛身祥雲輝大地淑氣滿前津覺世修長
世

安民每闢民百僚承

訓諭弼直勉欽鄰

恭和

御製

皇考宣宗成皇帝聖訓實錄告成御保和殿行禮恭紀元
韻

體元順紀

帝承

天祇遙謨猷懷紹

先

寶訓輝煌延世世

皇清福祚慶綿綿

心傳纘緒參三極

聖治昭垂億萬年敬仰

日新丕

大烈重光炳煥

德威宣

宣宗成皇帝聖訓實錄告成

皇帝御保和殿受

書奉

命前引護視尊藏

乾清宮禮成敬紀五言百韻

景運丕基鞏

洪謨邁帝唐紹

先欽

聖主

佑後仰

宣皇赫赫

宏猷著巍巍

寶錄藏

八朝

衷協揆卅載

政提綱

建極符天健

持躬懋日強無私恢

覆幬有耀普

輝煌

謹按
序曰

御製
聖德昭心法也
聖訓

侍

膳依

璇殿

迎

暉啟采堂

歡承溫復清

慕永露還霜

曰孝立人極也

齟齬勤惟誦

仔肩勛就將

慎修耽至道

養正肇

元良

曰
學崇正宗也

布闈醲沾雨含生渥酌漿

登三臻顯饗

撫五懷幾康

曰
治宜教化也

齋室凝精白

深宮格

昊蒼

雩壇

親步禱誠祝揭

宸章

曰天疑

敬

寶命也

監

憲陪都莅

吟詩

祖誥彰貞釐皆

矩矱

繼述見

羹牆

曰祖紹

法

鴻模也

率土

同文闡寰瀛

雅化昌

國書殷改試

恩榜覩頻張

曰文
教闡欽明也

箭殪初圍鹿星流迅翦狼

神鎗殲教匪

祕策靖回疆

曰武
功除邪歷也

廣業懷維揚

思艱刻不遑

緝熙歌大武

待日媿成湯

曰政建皇極也

勤饑溺

求其瘼綏來

視若傷

鴻慈眞保赤

鳳詔徧瞻黃

曰民敷仁政也

錫類欣惇睦

酬庸更篤慶本源

玉牒支派衍銀潢

曰族固本支也

六計昭

澄敘羣僚悚激揚貪風懲簠簋循吏達圭璋

曰吏飭官常也

選士摛楨榦

掄賢任杜房

鑑衡縣九陟鸞鷲肅千行

曰人昭潔哲也

樸儉

崇逾切瑰奇

御未嘗貢鮮停越嶠採璞罷氏羌

曰儉敦樸質也

壤賦舟車

挽園錢出入量薄徵輸稅課查欠剔官贓

曰財慎明德也

珥

筆爭敷奏

從繩賴贊襄石看投水

受善

喜樹旌颺

日言廣益思也求

廩問同民隱輕徭

軫歲荒

寬和涵蔀屋

愷惻喻村莊

日下達民情也恤

豺獄

仁覃溥雞竿膏赦常鞫研周雀鼠

明允恤桁楊

日刑弼政教也慎

牙爪爛雲陣熊羆厚月糧甲披

叨

例賞戍役

念邊防

曰

兵罷征戍也

惟冬賑蒙

膏飭春祺沛

德洋逋曾燭火旱供只歛金穰

曰

賑度惻涼也

封號隆關廟禮儀

拜素玉璧琮柔嶽瀆蘋藻薦馨香

曰

典嚴祈報也崇祀

告誠廉兼法

栽培棟與梁寅恭期左右

申勸效劬勩

曰

工斂官方也

謝臣

指授攻騎射膚公紀斧折勵兵威虎奮簡武亦龍驤

曰

賜將士修戎政也

惑世除邪慝

垂箴遏獫狁滋陬歸並育軌物範胥匡

曰

紀定民間也

嚴法定

定

志尊卑辨緣情品制詳科條參損益貴賤限冠裳

曰

正制

度明秩序也

仗節功宜泐

褒忠

詔立坊

綸音餘悼惜襲次表芬芳

曰

節振綱常也

褒忠

舊輔

嘉旁作前勳

眷對敷青珉銘帶礪

紫閣繪珩璜

曰

舊懸延賞也

駕勳

南畝遙扶耒西園各具筐

擴圖資粟帛

敦俗務農桑

曰

桑育莖生也

重農

渾噩偕遵轍驕奢

戒濫觴黜華

頒敕諭尙質首膠庠

曰

俗端治化也

厚風

內使闡應守中涓竈

懼煬紊干嚴宦豎僭侈斥貂璫

曰

寺肅官廷也

飭宦

伏莽譏奸

宥耕田去莠稂廓清開

泰寓撻伐秉

乾剛

曰 充安良善也

靖奸

蠻服瞻

顏幸雄藩引領望語言通譯寄琛賚輳梯航

曰

藩服廣懷

徠

也

絕塞消瑕釁重臺戢寇攘牧游安部落市易靜帆樯

曰

固封土也

輯邊疆

太僕閑分廐凌河草滿塘馳驅多駉駉肥膾

共牛羊

曰

政達報章也

飭牧

礮械威掀震騰浪破狂線沙巡

遠島銅海穩飛艍

曰

防綏邊徼也

海 椿誌

諮詢屢隄工砌築忙波恬桃泛汎岸闊葦堪杭

曰

河道述平

成也 穀麥覘雙穗杭拙集萬箱

班糴恆發廩聚米久盈倉

曰

儲裕積聚也

倉

轉漕籌江浙牽船

積稻梁銜連經堰濟瀦洩借睢漳

日 運 嚴 正 供 也 漕

淮楚新興

販滇黔昔免商

睿裁虞淡食軍饟裕鹽場

日 法 昔 美 利 也 鹽

貔旅能擾種鱗滕

解插秧耘耔攜子婦種稔熟甘涼

日 豐 富 兵 農 也 屯

冊目紛璣

璨

單心獨勉寢

配

郊辭享獻

祔

廟謝桑籓

遺器陳都卻

豐碑讓弗當

緘朱留

巽命

揮翰溢

謙光鼓舞孚林總垓挺暢洽翔漸摩包庶彙淪浹徹遐方
珍笈祗編貝

瑤函敬飾綳

一人膺纘緒列卷炳琳琅

邳理時於變

聰聽治孔陽

式型行是

訓迓社壽而臧

典鉅森杓斗材軫媿楠宗管窺驚浩蕩蠡測駭滄茫錦帙

齋宗族

鑄門關闔閭曙曦呈紉縵執事恪趨踰

嗣統延

床祐

貽謀降福祥詠賡忱莫罄

鼎祚億年長

文宗顯皇帝聖訓實錄告成

皇帝御殿受

書奉

命前引護視尊藏

乾清宮禮成

恩賜御用貂冠一項御用金龍褂一件恭紀二律

卿雲紉縵碧空浮瑞應光天

德化周

謹按
共成三百六十卷

實錄

赫赫典謨垂帝範巍巍詰誓著

王猷

允文允武勤祗遹

丕顯丕承懷率由

寶籙輝煌昭法守

貽謀

盛業煥千秋

精一垂裳治體元慶成

端展重推恩感深黿戴簪纓賁彩煥龍章

黼黻尊

惠洽彈冠

敷閭澤歡同挾纊布春溫

欽奉

錫賞執事

諭旨 在館諸臣優敘 之王公宗室官員及

其餘大小文武各員均分別紀錄 有差八旗兵丁各賞給一月錢糧

進賢補袞慚臣職寅畏

書紳矢弗諉

樞廬雨中退直佩蘅大司農贈紫薇花四株率成一律

賦謝

襟襟朝歸夏日長清風引入黑甜鄉

來函有涼開陶令之 密清入周公之夢句

楚雲掩映當窗豔蜀錦繽紛拂檻涼喜得玉堂人共賞還
疑畫省夜飄香消炎恰有催詩雨洗出鉛華鬪晚妝

樞垣直廬喜雨

好雨應候降膏澤沐蒼穹幾日晴不雨炎歊氣如烘忽看
濃雲布油然四野同漫空爽籟發先來解愠風屏翳神功
播細絲散濛濛浙瀝宵達旦地脈已潛通水添四五尺潤
徧畝南東禾役看穞穞黍苗自芄芄人心咸誌喜笠簞笑
語中喜者何所喜霑足慶歲豐豈必雨珠玉尺澤利無窮
欣占秋大穫櫛比亦墉崇衢巷童田野翁一歌一擊壤甘

灑謝天工時暘時雨若胥歸造物功造物不自有化育慰宸衷

樞垣記略卷之二十三

樞垣記略卷之二十四

詩文五

恭親王詩

荷露烹茶七律二章應

制

烹露爲茶味獨多乘涼晨起詣溪荷滿傾沆瀣盤珠洩小
藝瓶笙爨玉羅夢醒每懷評茗客詩清欣擬采蓮歌幸依
太液

恩波近得

樞垣記略

卷二十四

賜金莖徧飲和

攜來仙露甚清華
消渴閒烹顧渚茶
七椀蓮香幽客座
一窗松影老詩家
瓶珠洩碧金莖擷
鑪火初紅石鼎譁
聞說月團天上味
得嘗屢沐

聖恩加

癸酉三月初五日扈

蹕祇謁

東陵出朝陽門通州道中卽事

天街警

蹕肅郵程輕暖輕寒趁早行三月風光過上已幾分春色

近清明

初九日清明

定陵行數土禮並大饗禮

上親詣
花鬢柳眼河邊路

雲影泉聲物外情指點帆檣林立處永通橋畔綠波平

永通

橋即通州八里橋

過箭桿河口占

雨後新青長麥苗沙村環繞水迢迢窩頭河畔垂楊綠

箭桿

河即窩頭河以經窩頭村而得一名窩陀河

夾岸清陰覆蟻橋

東西浮橋俱以舟聯

三河曉行

東作勤劬憫穡夫數行

恩詔特蠲租

州等州縣地方應徵本年錢糧均奉 旨

額免十分之三

丁男處處歡聲聚子婦村村笑語呼幾疊雲峯青

遠列一灣春水綠平鋪分明我已身如畫卻羨人家似畫
圖

遊薊州獨樂寺

姓字標題筆有神巍然傑閣聳嶙峋

寺內閣上扁曰觀慈音之閣唐李白書

雲縹緲縈香界寶月光明指妙津不識不知昭法相無人

無我了緣因琳宮古蹟蓮花地清淨真成獨樂身

寺內後殿有臥

佛

朱華山

岡巒勢崔嵬蒼茫如畫裏疊嶂聳嵯峨遠岫青邈迤石罅
韻琤琮山泉清且泚古柏色蒼翠朝霞散成綺野花不知
名遍山豔紅紫山鳥似能言閒關亂盈耳駐馬蹙盤桓長
松堪徙倚東望鬱葱籠

昌瑞雲峰起

一統志名豐臺嶺

昌瑞山在遵化州西北七十里本

又封爲昌瑞山從祀重岡空阜鳳翥龍蟠洵

國家億萬年鐘祥福地地壇山脈自太行來

桃花寺卽景

幾曲斜盤徑停驂日漸西山高疑樹小野曠覺天低雲壑

峯千疊桃花水一谿漁陽多勝蹟八景仰

宸題

劉州志桃花寺在州東十八里桃花山上山有桃花開時獨先故名乾隆十八年建行宮於山半日下

舊聞考桃花寺乾隆九年重修御題八景曰湧晴雪曰小九疊曰吟清韻曰坐霄漢曰雲外賞曰滌襟泉曰

點筆石曰
繡雲壁

同治癸酉四月初六日

遣使冊封親王世襲罔替敬紀

殊恩兼以自警爰成五言長律四十韻

咸豐壬子夏慶衍

帝恩宏行葦推

仁澤分茅翊

聖明光依桐葉茂蔭庇棣華榮

咸豐

二年六月二十日
文宗顯皇帝遣使册

封親王

愧乏劬術慙膺帶礪盟靖共持素志兢惕表丹情

三年十月初七日蒙

恩在軍機大臣上行走

屏翰

綸音沛輝煌

墨寶擎風愆時警慄日贊勵忠誠

四年二月二十六日蒙

賜御書額曰屏

翰宣勤

顯廟貽鴻烈吾

皇遙駿聲

兩宮臻邳理同治肇休禎

十一年十月初一日復蒙
恩入直樞廷時值軍書絡繹庶

務紛繁夙夜在
公不遑寐處

懿訓垂千禩璿璣運九閔邊陲銷劍戟海澨翦鯨鯨饑溺
痾瘼抱綏安

軫慮繁東南沾樂利西湖掃欃槍細柳無傳箭長楊靜掩
旌

橋山增愾慕

太室潔桑盛昭告趨

壇壝馨香薦

鎬京

同治三年六月克復江甯省城剿平粵匪又歷年餘搜捕餘孽殲除淨盡紅旗報捷之日

詣

奉先殿

壽皇殿行禮並廟及盛京

遣親郡王等分

親詣

西兩陵虔申祇告七年七月剿平捻匪

上

庸崇上爵

錫類嬪蔥衡

金陵粵匪蕩平在事將帥及內外臣工均蒙錫爵加恩長子載澂由咸豐十年正月

初一日蒙治元年正月初一日

文宗顯皇帝特恩封爲奉恩輔國公同兩宮皇太后皇上加恩

賞戴三眼花翎粵匪軍務告厥三年七月初二日復蒙恩晉封多羅貝勒溫荷兩朝殊恩凡三錫命

闡化敷文教宣威頌武成

訐謨承指授

樞垣記略

卷二十四

宵旰仰經營方略留青史

璇題煥彩囊

七年十一月初二日奉命充方略館總裁纂輯刪平粵匪方略四百二十卷刪平檢

匪方略三百二十卷於十一年八月二十七日全書告成

賞加二級並蒙

慈禧端佑康頤皇太后硃書

賜額曰許

親賢資夾輔弼亮矢揚清

賜額頻叨賚仔肩敢弋名

咸豐十一年三十初度蒙恩賜額曰親賢羽輔同治十年

四十初度蒙

賜額曰宗藩弼亮

恩

瑞徵開泰宇厚載象坤貞

端本符周雅隆儀肅渭迎

八年二月初五日欽奉兩宮皇太后懿旨襄辦

大

婚禮儀

賞延於世世

德洽遂生生

寵遇云何報衷懷受若驚

十一年九月十五日

大婚兩宮

皇太后懿旨恭親王輔政多年勤勞懋著前於咸豐十一年十月間命以親王世襲罔替因該親王再三懇辭允俟親政之年再行辦理現在大婚禮成親政伊遜著卽加恩以親王世襲罔替等因欽此

寅恭欽

繼述

申勸勗公卿

建極思康濟投艱賴榦楨

克勤仍克儉

惟一允惟精瞻就來重譯鈞陶徧八紘

十二年正月二十六日 皇上親

政豫日

兩宮皇太后

皇上同御養心殿召見

內廷行走王貝勒公等親郡王御前大臣軍機大臣大學

士總管內務府大臣六部尚書弘德殿行走大臣

等 諭以盡心匡弼力戒因循毋避謙怨 惘忱輸

蓋獻啟沃效葵傾每切修齊念常閑逸欲萌汲深虞綆短

任鉅懷才輕自滿須知損居高務忌盈坦夷占履吉撫抑

協謙亨觥酒吟魚藻笙詩譜鹿萃宅心當鑑水防意戒如

城

玉牒嘉祥集

銀潢景福并

大婚禮成親郡王貝勒貝子公
等皆蒙恩晉爵加銜賞賚有差

乾綱恢覆嶠

鼎祚鞏昇平拜

命滋惶懇歌颺喜起賡

恭和

御製詣齋宮作元韻

十一月初二日

郅治覃敷秉

兩宮

帝心誠敬格

蒼穹

功成破竹寰區定

肅州報捷關
內一律肅清

世荷分茅

錫賚豐

四月蒙
冊封親王世

襲

恩遣使

替常捧

絲綸宣

聖德幸依帶礪翊

皇躬陽回預兆金穰歲物阜民康萬福同

甲戌二月二十四日扈

蹕祇謁

西陵出阜成門卽事

曉烟漠漠柳絲絲
雲淡風輕日影遲
物態迎人都欲活
山容難畫始爲奇
芊絲細草鋪平野
隱約深林映古祠
身在桑乾河畔路
夢魂早已向西馳

渡盧溝橋

初日影搖紅巍巍
古鎮雄城頭環百雉
石齒架雙虹拱極

重闔靄

破夢閒談議者謂盧溝敵輔咽喉宜設兵防守又須築城以衛兵於是爲斗城名拱北南門曰承昌

北曰順治初於崇禎丁丑日下舊聞考拱北城本朝更名拱極城改承昌門曰威嚴
盧溝兩岸風

波平長順軌永定慰

宸衷

畿輔安瀾志盧溝橋一名廣利橋在宛平縣南三十里跨盧溝河上金明昌年間建元明屢加修築本

朝康熙元年修七年水溢圮東北十二丈重修御
製碑文雍正乾隆年間疊加修葺永定河舊名盧溝河即
柔乾下流也亦曰渾河水流無定衝決爲
患康熙三十七年賜名曰永定河

過巨馬河

宋時險要記分明巨拒同音互立名

宋史何繼筠傳咸平二年詔聽邊民越拒

馬塞北市何承矩上言曰緣邊戰懼自洶河至尼姑口屈
曲乃百餘里此天險也今聽公私貿易則人馬交度深非
所宜又河渠志自邊吳泊至尼姑海口輪互七州軍屈曲
九百里深不可以舟行淺不可以徒涉雖有勁兵不能渡
也蓋拒馬河於宋時最爲險要水經巨馬河出代郡廣昌
縣涑山鄆注卽涑水也方輿紀要涑水源在廣昌縣南半
里東流合拒馬河水源出七山晉劉琨守此以拒石勒因
名拒馬河又袁紹遺將崔巨業攻固安不下退還公孫瓚
擊之於巨馬水蓋明巨馬之名始見於此亦未詳言其得
名之故至以拒敵得名以巨爲拒紀要以爲劉琨拒石勒

而廣昌縣志霸州志又以爲楊六
邸拒遷人愈遠愈謬皆不足信
寥廓天形垂野大高低

山勢接雲平烟光鬢隸添嵐氣風力蕭騷助水聲本是昔
年征戰地卽今阡陌盡耘耕

涑水道中卽景

屈曲古山窪山居四五家綠楊三月雨紅杏滿村花淺黛
皺巒影新青茁麥芽招提遙望處一徑入雲斜

易州道中感懷

萬疊烟巒望若迷四圍匝匝晚雲低垂楊拂拂迎人而新
草茸茸沒馬蹏冀野城孤臨廣陌

易州禹貢冀州之城

安河橋畔護

長隄

方輿紀要白楊嶺在易州西北四十里嶺多白楊樹俗訛爲白羊一統志源泉水在易州西北舊志在州

西北十里源出白羊嶺由西轉東而南入易水白楊水於乾隆二十六年濬治

賜名安河

哀鳴怕

聽天邊雁腸斷春風易水西

扈

蹕敬詣

慕陵

慕東陵隨入

陵寢門行禮述哀恭紀

太行發脈鍾靈秀佳氣龍葱護

寶山

一統志 永甯山即秦甯山在易州西五十里乾隆元年八月 永甯山即秦甯山在易州西五十里乾隆

壇山勢自太行來巖巖聳拔脈秀力豐峻嶺崇山遠拱於外巖巖翠岫環衛其間巖輔通志秀若拱璧巖若屯雲考其溪澗延袤千里計所匯納襟帶百川易州志乾坤聚秀之區陰陽和會之所洵爲上吉之壤 玉筍金城

如拱衛龍蟠鳳翥勢迴環空吟岵岵悲無極追憶

音容杳莫攀今日激兒隨叩拜椎心更慟舞衣斑

本年長子載激

十七歲奉

派冠屨並隨入墓東陵陵寢門敬謹隨從行禮

大風吟

甲戌二月廿八日扈

蹕秋瀾村行宮甫歇征鞍衣未解四野忽忽來飄風塵羅

蔽天天黯淡地軸震動雷靈籟是時日影正當午須臾昏
暗迷西東行幄撼搖憇傾圯飛沙揚礫排簾隴人聲馬聲
聲嘈雜旌旆迷離颺半空信道春風狂似虎飛廉肆虐專
其雄怒號叫吼勢益盛肅然屏息心忡忡去冬無雪春無
雨蒼生翹首望昊穹昊穹應憫民疾苦沛然膏澤仰天工
東作方興待耕耨西成更冀卜年豐綠野沾足慰農望雨
暘時若愜

聖衷

夏孟四日常雩大祀

園丘前一日隨扈

壇內齋宮喜雨恭紀敬依癸酉冬至前一日

御製詩元韻

寅畏常存仰

法宮乘時

變輅禮

皇穹薰風披拂羣生遂甘雨優霑萬寶豐

光觀謙尊徵協吉

日昭乾暢羨持躬一心一德微誠矢況附

星源福祿同

甲戌秋日扈

蹕南苑敬依道光癸未

宣宗聖製行圍至團河行宮卽事元韻

春蒐秋獮總相宜羽衛森嚴廣陌馳風勁金商添颯爽雲
橫玉宇自透遲涼鷹臺畔縈青靄飲鹿池邊漾碧漪

家法

欽承時肄武旌旗掩映鳳河湄

宸垣畿略載團河一支
爲鳳河其形如鳳源在南

苑中

乙亥九月十八日辰刻

穆宗毅皇帝梓宮由觀德殿

孝哲毅皇后梓宮由永思殿同時奉移

東陵隆福寺行宮暫安殿恭理一切禮儀敬謹送往仍隨

扈軍機處入直

轉瞬光陰節序移又逢露冷欲霜時

本月十一日寒露
二十六日霜降

天

高夜月蒼涼映野曠秋風慘淡吹海澨山陬同愛戴

龍輶

鳳翼擁幢摩濡臺和淚悲難述

觀德西偏近

永思

二十一日奉移禮成二十二日

几筵前大饗禮畢扈

蹕恭謁

定陵行禮泣述

宛轉楓林淡著霜蕭森氣釀十分涼淒淒苦雨催黃葉瑟

瑟秋風下白楊

寶輅前年曾蒞止

靈輿今日妥馨香

癸酉季春曾扈從
宗毅皇帝恭謁

東陵斷腸更有

椎心淚翹首

陵山哭

顯皇

樞垣記略卷之二十四

樞垣記略

卷二十四